



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 48. Sessio secunda.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII ret, ob metum Barbarorum incurfan-
A. C. 649. tium (Sclavi hi erant) & Exarchi, qui
 necdum advenerat, absentiam. Cete-
 rum profitetur, se eandem fidem tenere,
 quam Sacra Sedes tenet, se etiam Ecce-
 sim, & ea, quæ ad illam defendendam
 novissime scripta fuissent, damnare, por-
 ro in Jesu Christo duas Operationes &
 p. 97. duas Voluntates confiteri. Tum Ma-
 ximus Episcopus Aquilejensis dixit;
 sufficere, ad evitandam confusio-
 nem, si unus alterve reos, nempe Cy-
 rum, Sergium, Pirrhum & Paulum ac-
 cuset, eo magis, quod ex suis Scriptis
 erroris satis superque convincantur.
 Idem Deusdedit Episcopus Calaritanus
 in Sardinia petiit, quod omnibus Episco-
 pis placuit. Sic Sessio prima finita.

§. XLVIII.

Sessio secunda.

p. 100. Sessio secunda elapso triduo, nempe o-
 ctavo Octobr. celebrata. Jussit Pa-
 pa, ut Accusationes contra reos vel pars
 8. Octobr. adversa, cujus intererat, vel Primicerius
 & Notarii Ecclesiæ Romanæ, qui Acta
 ex Tabulariis recipiebant, exponerent.
 Mox Theophylactus Notariorum Sacræ
 Sedis primus dixit: *Beatitudini tuæ de-
 nuncio, quod Stephanus Episcopus Dorien-
 sis primus Sedis Jerosolymitanæ Suffra-
 ganeus stet ad fores Secretarii, & admit-*

tipetat. Tum a Papa admitti iussus, ob-
tulit Libellum, quem Anastasius Nota-
rius ex Græco in Latinum translatum
legit. Ad Patres Concilii dirigebatur,
atque in eo referebantur turbarum ex-
ordia, Articuli a Cyro Alexandriae pro-
mulgati, Mandatum S. Sophronii Ste-
phano Doriensi datum, ut Romam se con-
ferret, ejus ad urbem profectio, accusa-
tio ab eo coram Theodoro Papa contra
Sergium Joppensem mota, & potestas i-
psi ad reconciliandos Schismaticos colla-
ta. Subjunxit: *Quæ mihi injuncta fue-
re, executioni dedi, & quoniam propria
voluntate veritatem deseruerant, illos
tantum recepi, qui scripto errorem re-
tractarunt. Horum libellos ante breve
tempus sanctissimo Papæ Martino tra-
didi. Hinc supplex rogo! tenuitatem
meam, omnes Episcopos & populos Orien-
tis Catholicos, & S. Sophronii instantis-
simas preces ne spernite, sed Hæresis Apol-
linaris & Severi reliquias, quas iterum
suscitare conantur, vestra Sapientia de-
lete.* Hic Libellus supplex sexto die ejus-
dem mensis Octobris biduo ante Sessio-
nem datus erat. Jussit Pontifex, ut A-

ctis infereretur.
Inde Primicerius Theophylactus di-
xit: *Stant ad fores Abbates, Presbyteri,
& Monachi Græci, quorum aliqui jam
aliquot annis in Urbe Roma versantur,*

Sæculum VII
A. C. 649.

p. 101.

Sup. n. 8.

p. 104.

p. 109.

p. 112.

Sæculum VII *aliqui paucis abhinc diebus advenerunt.*
 A.C. 649.

p. 113.

p. 116.

Monothelitæ
 accusantur.

p. 117.

His Papa jubente admissis, lectus est eorum oblatuſ libellus, in quo, nomine omnium Monachorum Græcorum, qui Romæ erant, loquebantur, & dicebant, se in Africam trajecisse. Petebant, ut non solum dogmata, sed etiam Personæ nominatim damnarentur, contendentes, hanc esse in Ecclesia legem, quodcumque Accusatio scripto & Personalis moveretur. Addebant: *Postulamus etiam, ut anathematizetis Typum, qui Paulo instigante, ab Antecessore tuo Theodoro, sanctæ memoriæ, deposito nuper editus est; nam in Typo isto Iesus Christus sine Operatione & sine Voluntate, id est, sine intellectu, sine Anima, sine motu, Gentilium Idolis similis exhibetur.* Igitur confirmate Doctrinam Catholicam, quæ in Iesu Christo duas Operationes & duas Voluntates eodem modo quo duas Naturas confitetur, & scitote, si quid aliud definieritis, quod tamen futurum nullatenus credimus, nolle nos esse erroris participes. Quo vero bujus rei certi sumus, istud vos rogamus; ea omnia, quæ modo agitis & definitis, in Græcum sermonem exactissime transferri jubete, ut postquam ea cognoverimus, nostro consensu approbare valeamus.

Notatu dignum, quod Abbates isti nec Episcoporum nec Papæ Decisioni obedientia

dientia cœca (*) subscribere velint, quamvis in exordio Libelli sui supplicis profiteantur Sacram Sedem omnium Ecclesiarum esse Caput, cujus Sententiam cuncti expectent. Huic Libello subscriperunt Abbates quinque, & Monachi triginta duo, quos inter aliqui Presbyteri, & aliqui Diaconi sunt. Primus legitur Joannes Presbyter & Abbas Monasterii S. Sabæ in Palæstina, secundus Thalassius Abbas S. Andreæ Armenorum Romæ. Libello isto recitato Deusdedit Episcopus Calaritanus dixit, in eo contineri legitimam accusationem contra Cyrum, Sergium, Pirrhum & Paulum, item Fidei Orthodoxæ Confessionem de duabus Voluntatibus & duabus Operationibus, jussitque ut Actis infereretur.

Cum deinde Theophylactus Primicerius dixisset, in Tabulariis Ecclesiæ Romanæ plures Libellos inveniri, contra Cyrum, Sergium & Sectatores ejus Sacræ Sedi oblatos, jussit Papa, ut legerentur.

I 3 Primo

(*) Galli Scriptoris hæc est Reflexio, & loquentis more aliorum e sua Natione, qui Ecclesiæ Gallicanæ Libertates magnifice jactare solent, cum interim nec Episcopi in Germania SS. Pontificum Bullas cœca obedientia, sed ea, quæ Ecclesiæ Capiti debetur, veneratione & submissione recipiant.

Sæculum VI
A. C. 649.

p. 120.

p. 121.

Sæculum VII Primo lectus est Libellus, quem Sergius
 A. C. 649. Archiepiscopus ex Cypro Theodoro Pa-
 pæ anno 643. obtulerat, tum querelæ
 ad eundem Papam anno 646. ab Episco-
 pis Africæ delatæ. Hæc omnia Actis in-
 ferta, dixitque S. Martinus Papa: *Satis*
Accusationum contra reos habemus, tem-
pus enim deficeret, si querelas omnes,
quas Catholici ad nos detulerunt, in lu-
cem producere vellemus. Jam scripta
illorum, qui accusati fuere, canonice ex-
aminanda sunt, quod in Sessione sequen-
te facturi sumus. Ita clausa est Sessio
 secunda.

§. XLIX.

Sessio tertia.

Sessio tertia post dies novem decimo
 septimo ejusdem mensis habita. Pa-
 pa profatus dixit reorum libros esse exa-
 minandos, & Sergius Episcopus Tempu-
 lensis petiit, ut initium duceretur a li-
 bris Theodori olim Episcopi Pharanitæ,
 quod novæ Hæresis primus Auctor se-
 cundum Stephani Doriensis Libellum,
 & omnium notitiam esset. Ergo liber
 Theodori profertur, lectique Textus an-
 notati & ex Græco in Latinum translati.
 Primo recitatus est textus ex Epistola ad
 Sergium Episcopum Arsinoitam in Æ-
 gypto, ubi dicebat: Igitur quæcunque
 a Domino dicta vel facta referuntur, di-
 xit,